


1/50
Thorlacius, Skuli Tho
De anima per
mortem cataracta
Hafn. 1767





150

Skú

1000
1000
1000



B. C. D.

DE

ANIMÆ PER MORTEM
CATARACTA

SEU

MUTATIONIBUS STATUS ANIMÆ
PER MORTEM

DISSERET

SKULO THEODORI THORLACIUS

DEFENDENTE

NOBILISSIMO ET INGENIOSISSIMO

JOHANNE MARTINO SCHÖNHEYDER
IN AUDITORIO



D. 21. Decembris Ao. MDCCLXVII. h. p. m. f.

Imprimatur, MART. HÜBNER.

HAFNIE, typis ANDRÆ HARTVICI GODICKE, S. R. M. Univers. Typograph.

Is. Watts's Ess. Philos. on var. Subj.

When we shall have trawelled over the stage of time, by the light and influence of this knowledge, we shall forsake at once these scenes of mortality and shadows; we shall change this dusky region for a brighter. Farewell books, and disputes, and dark notions, and lame hypotheses! We enter into the state of unbodies minds, we are surrounded with the light of Paradise, we shall see ourselves, and our fellowspirits, ther we shall commence our happy immortality in those pure and exquisite delights of unerring contemplation, and undecaying love.



De mutationibus status animæ per mortem.

SECTIO I.

De immortalitate animæ.

§. I.

Suis quasi vivit aliturque funeribus œconomia animalis, unquam & usquam nascentibus serior ocyor mortis necessitas connascitur, nec imperium detrectare homo potest; & inde discimus, quam alte cecideret, suam & posterorum secum trahens ruinam author generis Adamus, cum, immortalis Dei imagine dotatus, ad communem animantium cœterorum sortem, seqve suosque dejecit. *Sive* illa, corpori Adami in pœnam commissi sceleris liberrimo offensi Dei arbitrio, lethalis immissa contagio est; *Sive* vitiato peccandi lubricine animo, vi mutæ corpus inter & animam sympathias, ordinatos antea omnes, quos sensitivos vocant, appetitus turbaverit statim, seqvax & mortis prænuntia corporis intemperies. *Sive* denique, in ipso vetitæ arboris fructu mortis naturalis semina latuerint, eoqve sublatum sit temperamentorum æquilibrium, per arborem vitæ tuendum Gen. III. v. 22. 24., unde virium aliarum alias ex-



cedentium consumptio toti fabricæ corporeæ attulerit primum labem, mox præproperam ruinam. Ita destinatum primitus æternitati corpus humanum, exitialem jam brevi tempore putredinem agro defendit, quam generis humani vicem doluisse videtur Servator, exanimis Lazari Spectaculo illacrymatus Joh. XI. v. 31.

§. II.

Primam igitur mortis naturalis causam docet revelatio, certitudinem congener & communis experientia; & ista nosse sufficeret homini, si æque certus esse posset, disjecta membrorum strue, nil sui fore superstes. Verum, vel sola ratione magistra docemur, id, quod in nobis sui sibi conscium est, omnis quippe, ut compositionis, ita corruptionis experts, in eas, quas non habet partes, nec resolvî, nec dispareas adeo, ac sunt simplex anima, & bruta corporis moles, naturas, nisi separe fato disperire posse. Quamvis autem, nec pro mentis immortalitate sua spondeat simplicitas, nec absolutam compositio moriendi necessitatem corpori imponat, eo tamen utrinque valet naturæ conditio, ut sine miraculo, nec intercidere anima, nec æternum stare corpus queat.

§. III.

Veteribus, quotquot animam corporis ruinis intermori crediderunt, illud sumum fecisse reor, quod compositi mentisque naturam adeo non noverunt, ut, quam sint in eodem subjecto infociabiles, perspicerent. Fingit enim eventus causa non majores solum, sed &
omnino



omnino carentes, qui vim cogitandi extenso attribuit; Siccine junctura 'partium, quarum singulas arbitrii expertes esse largiuntur, innumeris variata motibus, semper tamen æque necessariis, suisque adstrictis legibus, conscientiam & libertatem gignere potis est? ne vos larva terreat, amici, prolem matri similem habebitis, libralem, cubitalem, quadratam, globosam, imo milleformem cogitationem: Non magis refugiam, si quis sono colores, pondus lumini dederit, aut quascunque demum, invita ratione, rerum cuderit copulas.

Scol. I. Quinam circa naturam, vel ætatem animæ nostræ, & quantum peccaverint veteres sive Philosophi, sive Patres, scire cupidos lectores, brevitatis studiosus, ad Vosii De Orig. & Progress. Idolol. Libr. I. Cap. X. & Libr. III. Cap. XL. remisissos volo.

Scol. II. Notum etiam præprimis est, quanto argumentorum apparatu Lucretius, toto, *De Rerum Natura*, Libro IIIro probare annisus fuerit, *corpoream esse, & simul cum corpore nasci & interire animam*; nimius voluptatis tibicen, & admirator Epicuri, in cujus

Fixa pedum posuit pressis vestigia signis.

Prodiit aurem arte melior & argumentis M. Poligniacus, qui in Anti-Lucret. Libr. V. De Mente. multa movendo nihil promovisse Lucretium satis ostendit. Nec fortiter minus suam Lockio clavam extorsit, callide submonenti De Intell. Hum. L. IV. Cap. III. §. 6. nec non Lett. I. to the Bishop of Worcester Pag. 66. "*Nos officii ideis materiæ & cogitationis, ut fortasse baud manifesto comperturos unquam, utrum ens aliquod pure materiale cogitet, necne.*", Miror summo cætera Philosopho tale dubium excidis, quo nulli non scepticismo janua recluditur, quasi quia e. gr. essentiam Dei non penitus habemus perspectam, de ejus æternitate aut cæteris attributis dubitare liceret; Satis autem huic Viri dubio fecerunt, inter alios, contrerraneus ejus, Jf. Watts, Opp. Vol. V. Essay, Philos. 2. §. 3. 4. Sam. Park.



famil. Lettr. VIII. *of the Soul*. Et nullas animæ nostræ cogitationes a materia dependere, doctrina, ingenio & acumine singulari demonstravit, quisquis est, author Libri, qui inscribitur *an Inquiry into the Nature of the human Soul*. Vol. 2. §. 1.

§. IV.

Simplex igitur sit, oportet, quod cogitet, & quod suapte moriatur, compositum. Quapropter, non est, cur timeamus, corporis putredini in simplicem animæ substantiam quidquam licere, sed supervivet suo corpori anima, nisi interveniente miraculo in nihilum fuerit redacta; Miraculum autem patrare, vel non patrare, cum liberum omnipotentiae exercitium supponat, apodicticæ quod ajunt, demonstrationi non subjacet. Nec igitur gentium consensus, nec trepida futuri post hanc vitam status in morituris anticipatio, nec inexplabile, & ultra hujus vitæ sortem & terminos exporctum perfectæ felicitatis desiderium, aut siquæ plura sunt credibilitatis argumenta, quamvis mentis humanæ immortalitatem oppido probabilem reddant, omnem credenti erroris formidinem adimere queunt. Existentiæ divinæ æternitas sola in essentia ejusdem fundatur, sola igitur apodictice certa est; Cætera, quotquot existunt, auxilio, ad existendum indigent divino; Et hæc est altera ratio, cur animæ post mortem existuræ æternitas certitudinem apodicticam non admittat. Verum est, & alia huic super certitudo, quæ non essentiali & cogente necessitate, sed regulis nititur, quibus arbitrium spiritus dirigitur, in actionibus suis vel suscipiendis vel intermittendis, & hæc vocatur *moralis certitudo*. Inde pendula actionum & eventuum prædestinata certitudo, præscientiæ omnis in spiritibus fons unicus, eo major est, quo perfectior agentis



tis cognitio, voluntas & potentia. In Deo igitur prorsus erit infallibilis, in quem nullus error, nulla voluntatis vertigo & nulla virium impotentia cadere potest. Pro regulis actionum Deo suæ sunt perfectiones morales, cum obligationis externæ sit incapax, *vivet itaque in omne ævum mens humana, si sic voluerit bonitas, sapientia & justitia Numinis.*

Schol. I. In dijudicanda animorum immortalitate, velim notetur ambiguitas, quæ non observata minus cautis facile potest imponere. *Natura immortale* vel illud dicitur, cujus, essentia prorsus repugnat mori; quo sensu nec anima, nec ullus spiritus creatus, sed solus, independens quippe, & *μόνος ἔχων αθανασία* I Tim. 6. v. 16. Deus dicendus est natura immortalis. Sin *Natura immortale* illud dixeris, quod suapte indefectibile per innatam & spontaneam ad interitum collabentiam, quod corpori proprium est, (vid. Scheibl. Metaph. Lib. II. Cap. IV. n. 79.) quod Canzius (Medit. Philos. §. 321.) *ex principio interno incorruptibile* appellat, ut hæc naturæ immortalitas animæ tribuatur, jubet ejus simplicitas.

Schol. 2. Non mirum igitur, si gentiles Philosophi mentis humanæ immortalitatem vel negaverint, vel incongruentibus dubiis reddiderint suspectam; Qui enim, quæso, illi, rem sine illimi & accurata perfectionum Dei moralium notitia vix monstrabilem, scire potuerunt, qui vel nullos, vel tales Deos coluere, quales esse vel homines puderet. Ut enim Dicæarchum, Democritum, Epicurum, Galenum, & alios taceam, qui animam, utpote vel elementarem, vel temperamentum elementorum, simul cum corpore exstingvi putarunt, ne illi quidem, qui immortalitatem animarum demonstrare satagerunt, satis sibi constare videntur. Aristotelem super hac re fluctuasce, & pugnantisissima docuisse, monstrat historia philosophica Cicero ipse in suo de Senectate Libro & alibi, tam strenuus immortalitatis propugnator, in Quæst. Tuscul. Libr. I. de hac re ita disputantes M. & A. inducit:



inducit: “ *M, Evolve diligenter Platonis eum Librum, qui est de Anima, amplius quod desideres, nihil erit. A. Feci me hercule, & quidem sæpius; sed nescio, quomodo, dum lego, adsentior, cum posui Librum, & mecum ipse de immortalitate animorum capi cogitare, assensio omnes illa elabitur.* „ Seneca, immortalitatis animæ & ipse amantissimus eam pro svavi somnio habet, Epist. C. 2. “ *Dabam me, inquit, spei tantæ, jam eram fastidio mihi, jam reliquias ætatis infractæ contemnebam, in immensum illud tempus, & possessionem omnis ævi transiturus, cum subito experrectus sum, epistola tua accepta, & tam bellum somnium perdedi.* Magis autem miror, post discussas etiam revelationis divinæ lumine, per opinionum avia palantis conjecturæ nebulas, fuisse & esse etiamnum qui animæ immortalitatem negando, non religionis solum, sed virtutis omnis fulera proruunt, vel animæ simplicitatem subdole impugnando, ejus immortalitatem simul per euniculos aggrediuntur. In priorum numero sunt *Tbnetopsychi- zæ*, Hæretici juxta Damascenum (Libr. de hæres.) seculo secundo clari “ *Hominum animas pecudum animis similes inducunt, & eas una cum corporibus dicunt interire.* „ Proximi his sunt Arabici, seculo tertio ab Origine redarguti, qui *animas simul cum corpore perire, sed extremo resuscitari judicio* statuerunt, horum recentiori tempore doctrinam Cowardus in Anglia amplexus est (Teste Walekio. in Lex. Philos.) Circa simplicitatem animæ nota sunt Lockii (§ 3. Schol. 2.) & Voltairii (vid. Canz. Med. Philos. §. 1104.) dubia. Non dixerim ego, viros summos immortalitatem animæ negare, sed perquam facilem reor, a simplicitate animæ negata, ad negandam immortalitatem prolapsi; Quod & vestigiis hærentium exempla docent.

Non, rien n'est plus certain, soyons en convaincus,
Dès que nous finissons notre ame est éclipée,
Elle est en tout semblable à la flamme élanée,
Qui part du bois ardent dont elle se nourrit,
Et des qu'il tombe en cendre elle baisse & périt.

Ante vero quam propius accessero solvenda quæstioni non sane enodi, numqua scilicet fiducia immortalitas animorum attributis Dei moralibus superstrui queat, præmonitos volo lectores, iis me verba facturum, qui & esse Deum immortalem concedunt, & ejus beneficio acceptum ferre res, ubi- & quando- cunque fuerint, omnes, non minus quod perseverent, quam quod cæperint existere, nec ulla sua commoda ex creatis rebus quæsiisse Deum, sibi quippe semper sufficientissimum, & nullius extra se indigum rei, sed solo, quod optimo naturale est, benefaciendi studio, æternum de rebus creandis consilium iniisse.

Schol. Noli dictis obesse reri, quod finem creationis ultimum gloriam Dei esse dicant Theologi; *Gloria Dei interna*, quæ in interno omnium perfectionum divinarum consensu consistit (vid. Canz. Jurispr. Civ. Dei §. 553.) *per creationem augeri non potest*, *externa* vero, ut Deus a creaturis intelligentibus talis, qualis est, cognoscatur, jubet; Ad hanc ceu omnis apicem felicitatis, si adspirare spiritus creati debent Joh. 17. v. 3. & hic finis *bonitatem Creatoris loquitur*. Nec res inanimatas objice, quæ 1 Cor. 6. v. 20. Psal. 19. v. 1. gloriam Dei, sed objective solum predicare dicuntur, quatenus scilicet objectum & materiam Deum laudandi spiritibus suppeditant, proprie enim nisi per creaturas intelligentes gloria Dei non impetratur (vid. Canz. ll. cc. §. 559.) Quidquid igitur de rerum existentia ex attributis Dei moralibus intulero, de spiritibus intellectum volo.

Bonitas est studium dignis benefaciendi; aufert limites, & bonitatem divinam habes, talem nempe quæ
 B inten-



intensissimo fertur studio cum omnibus omnes, quarum capaces sunt, perfectiones semper communicandi. Hæc personarum capacitas vel ex morali vel naturali s. essentiali earundem conditione æstimatur: Bonitas divina moralibus vel meritis vel demeritis proportionata nihil est aliud, quam *Justitia Dei distributiva*; eam vero, quæ capacitem naturalem respicit, *bonitatem strictè*, distribuenti justitiæ contradistinctam, voco. *Animæ & spiritus omnes, naturalis ut initii, ita interitus prorsus sunt incapaces; ergo vi ejusdem, quæ creati sunt, bonitatis divinæ nunquam desinent.*

Schol. Esi inter Attributiona divina nulla diversitas, minus oppositio vera locum habeat, nec Deus quidquam velit, refragante justitia, sola tamen hac bonitate, creaturas omnes intelligentes, & creatas esse, & conservari existimo, an vero justitia Dei contra immortalitatem animæ quidquam excipere habeat deinceps monstrabo.

§. VII.

Hanc viam animorum immortalitatem commonstrandi, neminem hucusque ingressum esse scio, quo diligentius tamen eam lustravero, eo magis innoxiam deprehendo, nec ulla, quod videam, metuendam scrobe euntium vestigiis insidiari. Non subest justitiæ foro spirituum existentia, quippe quæ, uti nec dari merentibus, ita nec immerentibus adimi potest, sed solo largitore Deo datur, & data stabit, quamdiu sibi constabit & essentia



essentia rerum & optimi Numinis bonitas; Ea enim, quæ nec semper, nec omnibus, nec omnes, quorum capaces rerum naturæ sunt, beneficia confert, nec summa nec divina est bonitas.

Schol. Cave vero, ne sic existentiam omnium Spirituum, individuum essentiae sequelam statuas, indiget enim illa, & indigebit semper benefico numinis auxilio. Nec velim deductam de spiritibus finitis conclusionem omnibus accommodes existentibus; nam si de compositis loqueris, ea, quæ talia, æternitatis naturaliter esse capacia monstrato; Sin de simplicibus, sic illa in nihilum esse redigenda rationibus mere philosophicis evinci posse diffido; Propter se solos tamen memento, conditos esse spiritus, horum vero causa res cæteras, in tantum autem, & tamdiu sapienter amantur media, in quantum & quamdiu fini proficua sunt; igitur nec proprie bonitatis divinæ objectum est, nec diutius durabit inanima materies, quam quoad spiritibus inserviet, (vid. Crus. Anweisung vernünftig zu leben. §. 218.)

§. VIII.

Qui optimos, & maximos, optimis obtinendos mediis, fines intendit, is demum *summe sapiens* vocatur. Id sibi creando voluisse Deum, ut à creaturis intelligentibus cognosceretur, largiatur oportet, & qui spirituum felicitatem, & qui gloriam divinam ultimum creationis finem agnoscit. (§. V. Schol.). Utrumlibet elegeris, nam ab his diversum, qui Deum deceat, nullum dari posse finem creationis ultimum credo, fateberis,



finibus suis parum velificari Numinis sapientiam, si in transitu solummodo, & proinde manca, mutila & interrupta spirituum contemplatione, cum tamen perpetua & pleniori possit, cognosci velit: Vult autem, si exacta hujus vitæ fabula, æternitatis & capaces & cupidas animas ab operum suorum theatro decedere juberet, easque simulac huic corpori missionem dederunt, vel in statum nihili redigeret, vel perpetuo sopore obstupefaceret; Qvo, numquid siue naturæ spirituum, siue summæ sapientiæ minus conveniens effingi possit, non dixerim.

§. IX.

Non-existentia nec gloriæ Dei, nec suam felicitatem quidquam promovent; Dei vero sapientia, nisi tantam, quanta possibilis, & suam gloriam, & spirituum utilitatem intendat, summa non est. Durante hoc vitæ curriculo, ad majorem Dei cognitionem homo, per scalam quasi creaturarum semper enititur; Perfectionum vero nulla est, quæ non alias, ceu naturalia sui consecratoria, indefinite multas parturiat, (cum nihil sit sine consecratio, per Metaph.): Verum tota quanta animarum, in hac vita acquisita cognitio prorsus sterilefcit, & infructuosa redditur, si hujus vitæ rude quasi donata, in nihilum tunc redire cogeretur anima, cum & naturaliter perfeverare, & in cognitione Creatoris magis magisque proficere poterit. Per animarum igitur cum corpore interitum,



ritum, non universalis solum veritatum nexus hiuleat, sed in regno sapientiæ, immane quanta dehiscit rima.

Schol. 1. Non abludit argumentum Crusii, quo in Entwurf der nothwendigen Vernunft-Wahrheiten §. 484. animarum immortalitatem ex suis quidem principiis ita demonstrat: Die vernünftige Geister sind die letzten objectivischen Endzwecke Gottes. Wenn also dieselben vernichtet würden, oder auf ewig zu leben aufhörten: So fiel der Zweck Gottes, welchen er durch dieselben gesucht hat, hinweg. Diesen Zweck liesse er entweder ohne alle Ursache fahren, welches wider die Weisheit ist; oder er liesse ihn nach Vorschrift eines höhern Zweckes fahren, welches sich widerspricht, weil ein jeder vernünftiger Geist selbst ein letzter Zweck ist. A sapientia divina, quidquid habet ponderis, mutuatur argumentum Rüdigeri, in der Anweisung zu der Zufriedenheit der menschlichen Seele Cap. 3. §. 23. seqv. ubi animam fore immortalem exinde concludit, quod solis inter animalia hominibus anhelum summæ felicitatis desiderium indiderit autor naturæ Deus, quod frustra fecisset, nisi animam, alius post hanc vitam status præstolaretur. Huc etiam spectasse videtur Cicero in Catone Majore Cap. 23. "*Sed nescis, dicens, quomodo animus erigens se posteritatem semper ita prospiciebat, quasi cum excessisset è vita, tunc denique victurus esset, quod quidem ni ita se haberet, ut animi immortales essent. baud optimi cujusque animus, maxime ad immortalitatis gloriam niteritur*,"



Schol. 2. Suas igitur sibi res habeant ii, qui animas corporis solutas commercio obdormiscere, & vel aeterno urgeri sopore, vel extremo demum iudicio expergefieri statuunt, aut quotquot alia, de posthumo animae statu, opinionum divortia invenerunt male sedula hominum ingenia, vid. Reusch. Metaph. §. 1136. Dormiunt animalia, ubi feriantur externi sensus, renucentibus officium, qui sensationes ad cerebrum evehant, spiritibus animalibus, ex labore & usu, vel dilapsis, vel consumptis; & sublatis sensationibus sui conscientiam amittit anima: vid. G. E. Hamberg. Physiol. Med. §. 1351. seqq. Mechanica vero somni in animato corpore necessitas, num animam gravabit à corpore sejunctam, quam nescis sensibus quidem, dum adhuc in corpore est, ad excitandas cogitationes indigere, loquuntur ipsa, quæ in somno obtingunt, somnia? Quantumvis hic diffideant Philosophi, ea tamen semper mihi visa est, animæ & spirituum omnium indoles, ut nisi cogitent, non existant, etsi, quid cogitaverint, non semper reminiscantur; & non magis à spiritu cogitationem, quam extensionem à materia abesse posse existimo. Hoc Veteres sensere, qui animam *αὐτοχίνητον*, per se mobilem vocarunt, talem quippe, quæ agendi principium in se haberet; hac de causa Aristotelis *ἐντελεχείαν* dedit Cicero Libr. I. Tasc. Quæst. *continuum quandam motionem, & perennem*. Lockianis nec argumentis moveor, qui, (de Intell. hum. Libr. 2. cap. 1.), ut animam non semper cogitare probaret, omnem movit lapidem, & ab infantili ætate, a somniorum intermissione, ad totalem in anima idearum, per intervalla, cessationem, me iudice, nimis properanter, concludit; Qvota enim cogitationum nostrarum pars est, quam recolere memoria potest, & quis tamen, quod



non recordatur, nunquam se cogitasse asseveret? *Ens intelligens non cogitans*, quid sit, non intelligo, nec magis, dormire incorporalem animam posse, puto, quam angelos, nisi & ipsos dormire dicas; & quid semel sopitam animam excitabit? absente enim corpore, spiritibus animalibus, nec deficientibus sopietur, nec restitutis evigilabit. Quorsum vero res cadat, nihil inde lucrabitur Hypnopsychita, non magis enim dormiens anima sapientiæ finibus in servit, quam nulla; & sub sapientissimo regimine, usum regno migrabit, quod prorsus est inuite: aut igitur post mortem anima non erit, aut erit insomnis,

§. X.

Bonitatis & sapientiæ in spiritibus connubium justitiæ dant natales; Si igitur animas esse immortales bonitas, si sapientia voluerit Numinis, idem non poterit non velle justitia. Personarum, porro, meritis proportionalis justitia divina, vel virtutes *remuneratur* vel scelera *vindicat*: Verum hac in vita, exactam inter præmia meritaque proportionem, ob rationes sapientia dignas observari non posse, eventibus mundanis vel mediocriter attenti, à posteriori cognoscimus. Aut igitur, *cum rapiant mala fata bonos*, ullum esse Deum, cum Poëta, dubitabimus, aut futurum credemus post hanc vitam statum, in quo summæ fiat justitiæ satis, suasque scelerati pœnas, sua boni præmia reportent. Verum nec pœnas sentit, nec capit præmia, nisi qui existit, annihilationi itaque animarum tamdiu divina intercedet justitia, do-
nec



nec præmiorum, infinita benignitas, vel pœnarum, majestatis divinæ vindex nemesis satis esse dixerit.

Schol. I. Præmii vel pœnæ loco spirituum annihilationem haberi posse, nemo dicet, nisi qui, & quid dicat, & quid præmium pœnæque sit, ignorat; & nullos pœnarum fines annihilando obtineri posse, ut sciamus, satis est, quinam sint, nosse; vid: Canz. Civ. Dei §. 1679. & 1689. seqq. Hic autem velim attendas principium, veritatum maximi momenti, feracissimum, *existentiam spirituum a nullo libertatis, vel usu, vel abusu dependere*, quod neminem huc usque Philosophorum demonstrasse scio; uti enim nec prævisa virtus existentiam meretur, ita existere quidem, sed infelices, merenter facinorosi, & sic ipsi, prædejustitia, ut puniantur, erunt immortales.

Schol. 2. Ambraciota istius Cleombroti, qui teste Augustino Civ. D. Lib. 1. cap. 22., lecto Platonis, de immortalitate disputantis, Libro, præmature animæ post mortem status noscendi desiderio, de muro se præcipitem dedit, exemplum, uti non laudo, ita nec eorum amo incuriam, qui in re maximi momenti, adeo securi sunt, ut statum hunc animæ in nulla non duraturum secula, posthuma, sed fera nimis experientia discere, quam argumentis prænotescere malint; Oppcriantur igitur ignotum mortis hospitium, scituri, num oppellulatis pristina vitæ foribus, joca jocis penset Rhamnusia: Interim, quanto sic volunt, (ut ait Poligniacus.) Hos Epicuræis habitare sinamus in hortis.

Insensés, Esprits vains, qu'en ses têtes détestables
Retient obstinément l'orgueil contagieux,
Dieu regne; à mon exemple ouvrez vos foibles yeux:
Récompenser les bons & punir les coupables,
C'est le but de son œuvre, & le premier dessein
Qu'il conçut, & qui vit constamment dans son sein.

MAILLARD.



